

نہر کی صدائیں



# Appels de la Rivière

(Créole)

Sheikh-e-Tareeqat, Ameer-Ahl-e-Sunnat,

le fondateur de Dawat-e-Islami, Maulaana Abu Bilaal کاملاً بیوقوف  
المتواضع

**Muhammad Ilyas Attar Qadiri Razavi**

مکتبۃ المدینہ

# APPELS DE LA RIVIÈRE

## (NEHER KI SADAЕIN)

Ça livret (risaalah) la finn écrire en urdu par Sheikh-e-Tareeqat, Aashiq-e-'Aala Hazrat, Ameer-Ahl-e-Sunnat, le fondateur de Dawat-e-Islami, **Maulaana Abu Bilaal, Muhammad Ilyas Attaar Qadiri Razavi Ziyaai** دامت برکاتہم العالیہ

Majlis-e-Taraajim (Dawat-e-Islami) finn gagne l'honneur pou traduire ça livret la en créole et présente ça devant ou. Si ou trouve kit erreur dans so traduction ou bien so composition, pas hésiter pour contacter Majlis-e-Taraajim et récolter beaucoup sawaab.

### CONTACT:

Majlis-e-Taraajim (Dawat-e-Islami)

Aalami Madani Markaz, Faizaan-e-Madinah

Mohallah Saudagaraan, Old Sabzi Mandi

Baab-ul-Madinah, Karachi, Pakistan

majlistarajim@dawateislami.net - Phone: +92 21 3 4921389-92

### MAKTABAT-UL-MADINAH (MAURITIUS)

Librairie de Dawat-e-Islami

21 Mawlaana Ibrahim Khushtar رحمة الله تعالى عليه Street (ex Rue Ail Doré), Plaine Verte, Port Louis. Phone: (+230) 216-3415 / 759-0957

Email: dawateislamimauritius@hotmail.com

### MAJLIS-E-TARAAJIM (MAURITIUS)

Email: taraajim.mauritius@gmail.com

الحمد لله رب العلمين والصلوة والسلام على سيد المرسلين  
امابعد ف اغوذبالله من الشيطان الرجيم ط بسم الله الرحمن الرحيم ط

Quand même combien la paresse Shaïtaan pou mette dans ou, lire ça livret la complètement. Insha Allah عزوجل ou pou ressenti le commencement de ene révolution islamique dans ou le cœur.

## APPELS DE LA RIVIÈRE

Ameer-e-Ahl-e-Sunnat دامت بركا تهم العاليه ti faire sa bayaan la 17 Jumaadi-ul-Oola 1418, à Shaarjah, et ti relayé dans Madina-tul-Aulia, Multaan, par téléphone. Pé présente sa en écrit avec quelques modifications.

## COURONNE EN PERLES

Dans Al-Qawl-ul-Badee' mentionné : Après la mort de Hazrat Sayyiduna Abul Abbaas Ahmad Bin Mansoor رحمه الله تعالى عليه, ene habitant de Shiraz fine trouve li dans rêve dans ene tel situation ki li ti ena ene couronne en perles lors so la tête et li ti habiller avec linge de paradis (jannat) et li ti pé déboute dans mehraab de Jaama-Masjid de Shiraz. Ca personne la fine demande li dans rêve : مَا فَعَلَ اللهُ بِكَ (« *Ki Allah عزوجل fine faire avec ou ?* »)

Li fine réponde : « *Alhamdulillah* عزوجل, *mo ti pé lire durood shareef en grande quantité. Ça action la même fine profite moi et Allah* عزوجل *fine pardonne moi, fine faire moi mette couronne et fine faire moi rentre dans jannat* »

[Al-Qawl-ul-Badee', pg112, Edition Daar-ul-Kutub-al-Ilmiya, Beyrouth]

صلو على الحبيب! صلى الله تعالى على محمد ﷺ

Chers frères en islam, **Hazrat Sayyiduna Ka'b-ul-Ahbaar** رضى الله تعالى عنه ti ene grand taabi'i buzurg. Avant li embrasse Islam, li ti ene grand savant pou banne juifs. So mazaar sacré trouve dans 'Al-Ayn' (le capital d'Abu Dhabi) dans Émirats Arabe Unis et *alhamdulillah* mo (c'est-à-dire **Maulana Abu Bilaal, Mohammad Ilyas Attaar Qadiri Razavi Ziyaai** دامت برکاتهم العالیه ) fine gagne la privilège pou mette présence lors so mazaar à plusieurs reprises.

Ça même Sayyiduna Ka'b-ul-Ahbaar رضى الله تعالى عنه dire ki dans Bani Israël (le peuple d'Israël) ene personne (après ki li fine faire tawba) li fine ré-commettre l'adultère (zina) avec ene prostitué. Quand li fine alle faire ghusl dans ene la rivière, alors sa **la rivière la fine faire ene l'appel** comme sa : « *To pas honter ? Eski to pas ti faire tawba et faire l'intention pou pas refaire ça*

*action la ? »* Quand li fine tann ça, ene la frayeur fine prend li, et en criant et en pleurant li fine sauver en disant ceci : « *Aster jamais mo pas pou désobéir mo Allah* عزوجل ! » En pleurant li fine alle lors ene montagne cote 12 personnes pieux ti occuper dans Allah عزوجل so ibaadat. Li aussi li fine joine banne-la.

Après quelques temps, finne ena la famine (manque de nourriture) là-bas, alors ça groupe de personnes pieux la fine commence dirige zot vers la ville pou rode nourriture. Par coïncidence zotte fine passe par ça même la rivière la. Ca personne la fine commence trembler avec la frayeur et fine dire ceci : « *Mo pas pou passe par ça la rivière la moi, parceki là-bas ena kikene ki conne mo péché. Mo gagne honter avec li* » Li fine arrête en place, et ça 12 personnes pieux la fine alle cote ça la rivière la.

Alors sa la rivière la fine demander : « *Oh banne dimounes neik, cote zotte camarade été ?* » Zotte fine réponde : « *Li pe dire ena kikene ici ki conne so péchés et li gagne honter avec li* »

Ene la voix depuis la rivière finn dire : « *SubhanAllah* عزوجل ! *Si ene parmi zotte proche arriver blesse zotte mais après li regretter et li*

*demande excuse et li arrête so mauvais l'habitude, eski zotte pas pou réconcilier avec li ? Zotte camarade aussi fine fini faire tawba et fine engage li dans ibaadat, alors astère fine fini ena réconciliation entre li et so Rab. Amène li ici et zotte tous faire ibaadat ici même dans bord la rivière »*

Zotte fine donne zotte camarade la bonne nouvelle et zotte tous ensemble zotte fine commence faire ibaadat là-bas ziska ki ça personne la fine inteqaal là-bas même. **La rivière fine re-faire l'appels** comme sa « *Oh banne personnes pieux, donne li ghusl avec mo de l'eau et enterre li dans mo bord ici afin ki jour qayamat lève li depuis la-même »* Alors banne-la fine faire comme sa même.

Le soir zotte fine continuer faire ibaadat près cote zotte camarade so mazaar et zotte fine gagne sommeil. Zotte ti ena l'intention pou quitte ça place la lendemain matin. Quand zotte fine lever, zotte trouver ki 12 arbres ki appelle **Sarv** (c'est ène arbre bien joli et très connu ki ressemblé ène carotte) fine pousser. Zotte fine fini comprend ki Allah عزوجل fine faire ça pousser pou zotte même, afin ki zotte reste en bas so l'ombrage même et continué faire ibaadat au lieu ki zot alle ene l'autre

place. Alors zotte fine engage zotte dans ibaadat là-bas même. Quand ene parmi banne-la ti pe inteqaal, ti pe enterre li a côté ça personne la-même, jusqu'à ki zotte tous fine inteqaal. Bani Israël ti pe habituer vine faire ziyaarat zotte mazaar. Allah عزوجل so rehmat lors zotte.

[Kitaab-ut-Tawwaabeen, pg90, Edition Daar-e-Maktabat-ul-Muyad, Arab Shareef]

*Allah عزوجل so rahmat lors zot, et par zot sadaqa, Allah pardonne nous. Ameen.*

## ALLAH عزوجل PÉ GUETTER

Chers frères en islam, zotte fine trouver, combien Allah عزوجل li meherbaan (ena affection avec nous), raheem (miséricordieux) et kareem (généreux). Si ene dimoune faire tawba avec sincérité, combien Allah عزوجل content avec li. Par ça recit la, nous aussi réaliser ki ene personne, quand même li cachiette derrière des milliers de voiles li faire gunah, Allah عزوجل pé guetté même.

صلو على الحبيب! صلى الله تعالى على محمد ﷺ

تُوبُوا إِلَى اللَّهِ - استغفر الله

صلو على الحبيب! صلى الله تعالى على محمد ﷺ

## CONTINUER FAIRE TAWBA

Chers frères en islam, quand arriver commettre ene péché, ene dimoune besoin repenti devant Allah عزوجل. Si li arriver refaire gunah, li besoin refaire tawba. Si li refaire gunah, li refaire tawba. Besoin pas décourager. **Allah عزوجل so rahmat li vraiment bien GRAND.** Sans doute, so rahmat pas diminuer du tout quand li pardonne nous. Tout le temps nous besoin continuer faire tawba et istighfaar. Dans hadeeth-é-paak fine mentionner:

التَّائِبُ مِنَ الذَّنْبِ كَمَنْ لَا ذَنْبَ لَهُ

*c.a.d. celui ki faire tawbah avec gunah, comment dire li pas fine  
faire gunah même*

[Ibn-é-Maajah Shareef, Hadeeth 4250, vol4, pg491, Daar-ul-Ma'rifa, Beyrouth]

Nous trouver ki gunah effacer a travers tawba. De toute façon, tout le temps nous besoin considère nous comme ene gunahgaar mais nous pas besoin perdi l'espoir lors So rehmat.

## EST-CE QUI SEULEMENT BANNE PIEUX KI POU ALLE DANS JANNAT ?

Concernant Allah عزوجل So rehmat, laisse mo dire zotte ki mo fine trouve ça qualité dimoune ignorant la ki ti pe dire : « Ene

*personne pou rentre dans jannat seulement à travers so bon actions, et celui ki faire gunah, obligatoirement li pou alle dans jahannam. Concernant seki to dire ki ene dimoune pou être pardonné par Allah So rehmat, ça pas rentre dans nous la tête »*

Sans doute c'est ene waswasa de côté shaytaan. Sinon moi, de mo côté, kot mo pé cozz a propos Allah عزوجل So rahmat ? Écoutez avec attention! Dans sipara 24, surah Zumur, aayat 53, Allah عزوجل pe annoncé :

قُلْ لِعِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ ۗ إِنَّ اللَّهَ يَغْفِرُ الذُّنُوبَ جَمِيعًا ۗ إِنَّهُ هُوَ الْغَفُورُ الرَّحِيمُ ﴿٥٣﴾

Traduction Kanz-ul-Iymaan: *To dire « O mo bann esclaves ki finn faire excès contre zott même, pas perdi l'espoir de la bénédiction d'Allah. Sans doute, Allah pardonne tous banne péchés. Sans doute c'est Li même le Pardonneur, le Miséricordieux*

Dans ene hadeeth-é-qudsi, Allah عزوجل pé dire :

سَبَقَتْ رَحْمَتِي غَضَبِي

c.a.d. *Mo rehmat li plus grand ki Mo colère*

[Sahih Muslim, vol 2, pg356, Edition Afghanistan]

Imaam Ahmad Raza Khan رحمه الله تعالى عليه so frère Hazrat Mawlanah Hasan Raza Khan رحمه الله تعالى عليه écrire dans so livre naat 'Zawq-é-Naat':

سَبَقْتُ رَحْمَتِي غَضِبُنْ Tu né jab sé sunaa diyaa yaa Rab

Aara hum gunahgaaron ka, aur mazboot ho gaya yaa Rab

## RÉCIT DE ENE PERSONNE HUMBLE

Chers frères en islam, sans doute Allah عزوجل So rehmat li bien, bien et bien GRAND. Lors ceki paraître ene petit action, Li capave satisfait et honore ene dimoune autant ki nous pas capave même imaginer. Dans **Kitaab-ut-Tawwaabeen** mentionner, Hazrat Sayyiduna Ka'b-ul-Ahbaar رضي الله تعالى عنه dire : Dans Bani Israël deux dimoune ti pe alle masjid; ene fine rentre dans masjid mais deuxième la fine gagne la frayeur d'Allah عزوجل et li fine reste débouté dehors même et li fine dire : « *Ene gunahgaar comment moi pas vaut pou mette mo le corps malpropre dans Allah عزوجل So la caze sacré.* » Allah عزوجل fine content comment sa dimoune la finn agir avec humilité et fine inclure li parmi banne Swiddeeqeen (véridiques).

[Kitaab-ut-Tawwaabeen, pg83, Edition Maktabat-ul-Muyad, Arab Shareef]

Rappelle ki stage (darja) ene **Swiddeeq** li plus grand ki ene **wali** et ene **shaheed**.

## RÉCIT DE ENE PERSONNE KI FINN REGRETTER

Dans Kitaab-ut-Tawwaabeen, Pg 83, fine faire mention ene l'autre événement in pé pareil : « *Ene Israeeli fine arriver commettre ene gunah. Li fine bien regretté lors ça et dans ene l'état d'inquiétude li fine commence galope par ici par là-bas afin ki Allah عزوجل pardonne li et satisfait avec li. So regret et inquiétude fine être accepter dans Allah عزوجل So baargaah et Allah عزوجل fine honore li aussi avec stage de Swiddeeqiyyat »*

## LA HONTE C'EST TAWBAH

Sarkaar-e-Naamdaar صلى الله تعالى عليه واله وسلم so parole sacré ca:

النَّدْمُ تَوْبَةٌ

c.a.d regret/honter c'est tawba [repentir]

[Al Mustadrak, Hadeeth 7687, Vol 5, Pg 326, Edition Daar-ul-Kutub-al-Ilmiya]

Au fait, des fois, regret lors ene gunah faire autant l'effet ki grand grand ibaadat pas capave faire. Ca pas veut dire ki pas besoin faire ibaadat ! Tout cela dépende lors Allah عزوجل So décision. Parfois regret faire l'effet et parfois ibaadat.

## BANDIT EN ETAT DE ROZA

Dans Rawd-ur-Riyaaheen finn mentionner; Hazrat Sayyiduna Abu Bakr Shibli رحمه الله تعالى عليه dire : Mo ti ensam avec ene caravane et nous ti pe dirige vers la Syrie quand, en route, ene groupe banne bandits fine attaque nous et fine prend tous nous banne l'argent et bagages et fine présente tout cela devant zotte chef. Parmi banne kitchose la, ti ena ene sac du sucre et badam. Tous banne bandits la fine commence mange ça mais zotte chef pas fine touche narien depuis la dans. Mo fine demander : *'Zotte tous pe manger mais ki faire ou pas pe mange narien ?'* Li fine réponde : *'Moi mo roza'*. Mo fine étonner et mo fine dire li : *'To coquin aussi et to garde roza en même temps ?!!'* Li fine réponde : *'Besoin garde ene chemin ouvert aussi afin ki mo capave réconcilier avec mo Rab.'*

Hazrat Sheikh Shibli رحمه الله تعالى عليه dire ki après quelques temps mo fine trouve ça même chef banne bandits la en état ihraam pe faire tawaaf Ka'ba Shareef. Lors so figure ti ena noor a cozz ibaadat et la lutte contre so nafs fine affaibli li. Mo fine bien étonner et mo fine demande li : *'Eski to pas ça même chef de banne bandit la toi ?'* Li fine réponde : *'OUI, mo-même ça et écoutez... ça roza la même fine vine ene moyen de réconciliation*

*entre moi et Allah !!!'*

[Rawd-ur-Riyaaheen, Pg 163, Maktabat-ul-Maymaniya, Egypte]

## GARDE ROZA CHAQUE LUNDI

Chers frères en islam, nous fine apprane ki nous pas besoin sous estime ene bon action et quitte li, ki conner céki pe paraître ene petit neiki la, capave être accepter dans Allah عزوجل So baargaah et nous gagne bienfaits des deux mondes. Par ça récit la, nous trouver aussi bienfait de banne roza nafil. Même si zotte tous péna autant courage pou garde roza nafil en grande quantité, mais au moins capave faire ene z'effort pou garde roza chaque lundi car li sunnat. Guette ene ti coup roza depuis cote li fine prend ene chef de banne bandits et cote fine amène li. Par bienfait roza li fine gagne guide de côté Allah عزوجل et li fine gagne Allah عزوجل so wilaayat aussi.

## ENE MOYEN DE PARDON

Dans Keemeeyaa-é-Sa'aadat ena ene récit; Hazrat Sheikh Kitaani رحمه الله تعالى عليه dire : Après la mort de Hazrat Sayyiduna Junaid Baghdadi رحمه الله تعالى عليه mo fine trouve li dans rêve et mo fine demande li : مَا فَعَلَ اللَّهُ بِكَ (« *Ki Allah عزوجل fine faire avec ou ?* »)

Li fine réponde ki mo banne ibaadat pas fine profite moi ! Mais, ça deux rakaat tahajjud ki mo ti pe lever mo ti pe lire à soir la, ça même fine vine ene moyen de pardon pour moi.

[Keemeeyaa-é-Sa'aadat, vol2, pg 1007, Edition Intishaaraat-é-Ganjeena, Tehran]

*Rehmat-é-Haq 'baha' namee joyad*

*Allah so rehmat pas cherche 'baha' (prix)*

*Rehmat-é-Haq 'bahaana' mee joyad*

*Allah so rehmat cherche 'bahaana' (prétexte)*

Chers frères en islam! Ensemble avec banne ibaadat farz, essaye prend l'habitude pou faire banne ibaadat nafl aussi. Spécialement, pas quitte namaz tahajjud. Ki conner la peine pou lever pou lire tahajjud même capave être accepter dans Allah عزوجل so baargaah et ça vine ene moyen de pardon pour nous.

**CONFIRMÉ KI ENE PARTIE BANNE  
MUSALMAAN POU ALLE DANS  
JAHANNAM**

Chers frères en islam, faire ATTENTION ! Par ça récit rempli avec bénédiction d'Allah عزوجل, attention kikène penser ki parceki Allah عزوجل So rehmat vraiment grand, alors li capave quitte namaz,

manque roza ramadwaan, assizer devant télévision et vidéo et bien guette films et drama, bien guette banne kitchose ki finn defann. La cause Allah عزوجل so rehmat bien grand, astère commence désobéir banne parents, commence zourer, cause menti beaucoup, faire banne musulmaan zot gheebat et faire zotte le cœur faire mal, agir avec mauvais manière. Juste la cause Allah عزوجل so rehmat bien grand, raze la barbe ou bien garde li moins ki ene poignée, commette banne vol, faire hold-up, faire dominère avec zotte tous, bien consomme la boisson alcoolique, droguer, jouer carte et le course. Même ouvert banne club rempli avec mauvais activités. Banne gunah ki nous pas fine faire jusqu'a l'heure, ça aussi nous faire la cause Allah عزوجل so rehmat li bien grand !!!

Chers frères en islam, ATTENTION nous suivre shaytaan dans sa façon. Ecoute ça aussi attentivement : cote Allah عزوجل li **Raheem** et **Kareem**, Allah عزوجل li **Jabbaar** et **Qahhaar** aussi. Cote Li capave pardonne nous lors ene bien petit action, Li capave aussi trappe nous lors ene petit manquement. Allah عزوجل li indifférent (li pas besoin narien) ! Si li fine trappe nous lors ene petit gunah aussi, nous pou tombe dans grand difficultés.

Rappelle bien ki c'est ene kitchose confirmé ki ena ene partie banne musulmaan pou alle dans jahannam la cause zotte gunah. Alors tout le temps, nous besoin peur la colère et l'indifférence d'Allah عزوجل, attention nous noms trouve dans la liste de banne ki pou alle dans jahannam.

## PENSÉE (MADANI SOCH) DE FAROOQ-E-A'ZAM رضی اللہ تعالیٰ عنہ

Réalise ene coup la pensée saine et salutaire (**Madani Soch**) de Sayyiduna Farooq-e-A'zam رضی اللہ تعالیٰ عنہ L'espoir besoin ena comment li ti ena et frayeur aussi besoin gagner comment li même. Sayyiduna Farooq-e-A'zam رضی اللہ تعالیٰ عنہ dire comme sa : Si a part ene dimoune, Allah عزوجل pou mette zotte tous dans jahannam, alors mo pou ena l'espoir ki ça ene dimoune, ki pou être éloigner avec jahannam, pou mo même. Et si Allah عزوجل pou mette ene seul dimoune dans jahannam alors mo pou peur attention ça ene dimoune la mo même !!!

[It-haaf-us-Sadaat-ul-Muttaqeen, vol11, pg425, Edition Daar-ul-Kutub-al-Ilmiya, Beyrouth]

De toute façon, jamais nous pas besoin perdi l'espoir avec Allah عزوجل so rahmat, et ni nous besoin reste insouciant et négligeant avec so colère.

## FUSIL SO 1 BALLE

Mo essaye explique ou ça cozzer la d'après logique et raisonnement. Par exemple, en ce moment, dans ene ijtima' ena 10,000 frères en islam et ene terroriste deboute lors bâtiment à côté avec ene fusil et dire : « *Mo pou tire ene seul coup'de balle, si ena pou gagner, ene seul dimoune pou gagne ça coup'de balle la, le reste mo pas pou faire zotte narien !* » Ki ou penser ? Juste ene dimoune ena pou gagne coup'de balle, eski le reste 9,999 frères en islam pou reste sans tracas ? Sans doute NON. Chacaine pou galope par ici par là-bas avec ça frayeur la ki attention mo même mo gagne ça ene coup de balle la. Mo espérer ki zotte fine comprend sa.

## SOULIERS DU FEU

Rappelle bien ! C'est confirmé ki pou ena ene partie banne musulmaan pou rentre dans jahannam, alors ki faire chaque musulmaan pas peur attention prend li aussi mette li dans jahannam? Qasam lors Allah عزوجل ene coup'de balle pas vaut narien devant punition l'enfer. Dans Sahih Muslim mentionner : « *Plus leger 'azaab dans jahannam ki ene dimoune capave gagner c'est ki pou faire li mette ene soulier du feu et par so chaleur et*

*l'ardeur, so la cervelle pou bouille comment (de l'eau bouille) dans ene casserole. Li pou penser ki li même pé gagne plus beaucoup punition »*

[Sahih Muslim, vol1, pg115, Edition Afghanistan]

Dans Bukhaari Shareef mentionner ki jour qayamat Allah عزوجل pou dire ça personne la : « *Si entier le monde et tout ceki ena la dans li, appartenir a toi, alors pou débarrasse avec ça punition la, eski to ti pou donne tous comme fidya (rançon) ?* » Alors li pou crier : « *OUI* »

[Bukhaari Shareef, hadeeth#6557, vol4, pg 261, Edition Daar-ul-Kutub-al-Ilmiya, Beyrouth]

(C'est-à-dire mo pou fini donne tous ceki mo ena pou tire sa soulier du feu la pou ki 'azaab la enlever)

## **ESKI POU CAPAVE SUPPORTE SA PUNITION PLUS LÉGER LA?**

Chers frères en Islam, penser bien. Si en conséquence ene petit gounah, ça même plis petit punition fine applique lors kikène, alors ki li pour faire? Par exemple si fine zour ene dimoune, tandis ki ça ene grand gounah, mais si fine gagne plis petit punition même, ki pou arriver ? En conséquence désobéir mama,

papa (ça aussi c'est une grande gounah) si lors la aussi fine donne plus petit punition, alors ki sanla pou capave supporte ça ? Comme sa même pense lors banne les autres gounah ki nous arriver commettre tous les jours. La cause fine cozz menti, fine faire gheebat, fine faire chughli, la cause fine amène nourriture haraam, la cause fine droguer, fine guette film et drama, fine écoute chanter et la musique, la cause fine guette présentatrice pé donne information lors TV, si fine gagne plus petit punition, ki pour arriver ?

Ca madame la aussi combien li malheureuse, ki la cause une ti peu l'argent li pé donne information lors télévision. Ti à bon li réaliser ki, à travers li, des milliers de banne missié pe porte zot regard lors li et pé rempli zotte lizié avec haraam et de cette façon zotte pé faire provision pou rempli du feu jahannam dans zotte lizié. Et en plus li aussi pé accumule vraiment beaucoup gounah. De toute façon celui ki embête li même comme sa ki 'Mo fine acheté télévision seulement pour guette information', alors écoute bien ! Li haraam pou une missié guette une madame étrangère et li haraam pour une madame guette une missié étranger avec désir et c'est une action ki amène vers jahannam. Alors la cause fine guette juste information lors télévision, si

gagne plus petit punition dans jahannam, finne faire mette soulier du feu, ki pou arriver ?

## SI ENVIE LIRE UN PEU LORS BANNE PUNITIONS ('AZAAB)

Chers frères en islam, au moins nous besoin faire nous peur avec banne petit punitions même, tandis ki dans jahannam ena encore plis grand punition ki bien horrible. Si envi gagne ene aperçu en bref de ça banne punition la, alors lire mo causerie en écrit «**Trésor Mystérieuse**» (*Purr Asraar Khazaana*) ou soit écoute li lors cassette, peut-être ou pou trembler avec la frayeur d'Allah

عزوجل

Imagine ca même si mo fine quitte ene namaz en jamaa'at sans aucaine raison valable d'après shariat et en retour mo fine gagne ça plus petit punition la, ki pou arrive moi ?

Si pas fine faire parda et finn ena conversation ouvertement et sans restriction avec belle-sœur (bhabhi) et fine guette li par exprès, comme sa même si pas fine faire parda avec chachi, maami, belle-sœur (madame so sœur), cousine (de coté chacha, poophoo, khala et maamoo), fine reste en toute liberté avec

zotte, fine cozzer, rier avec zotte et fine bien guette zotte; et en retour de ene parmi de tous ça banne gunah la, fine faire mette souliers du feu, alors ki pou arriver ? Certes bhabhi, chachi, maami, etc. tous ça banne madame ki fine mentionner la zotte représente banne madame étrangères. Et shariat fine ordonne pou faire parda avec banne celui ki permettre pou faire nikah. Comme sa même banne madames besoin faire pardah avec tous zotte banne familles ghaïr-mehram (avec ki zotte capave faire nikah).

## BANNE CAS DE DESTRUCTION

Chers frères en islam, jamais nous pas besoin perdi l'espoir avec Allah عزوجل so rahmat, et ni nous besoin reste insouciant et négligeant avec so colère. Dans les 2 cas ena destruction. Si kikene fine décourager avec Allah عزوجل so rehmat, li aussi fine détruit et si kikene fine continuer faire gunah sans frayeur d'Allah et fine être attraper, li aussi fine barbaad (détruit). En tout cas la bonté recommande nous ki ça Créateur ki fine honore nous avec beaucoup faveurs inestimable, nous besoin reste dans so l'obéissance et attache nous avec So bien-aimé Prophète صلى الله et suivre so banne principe (sunnat). La dans même

ena succès dans dunya et aakhirat pour nous.

*Kab gounaahon se kinaara mein karoun ga yaa Rabb  
O Maître, quand mo pou abstenir de banne péchés*

*Neik kab eh méré Allah عزوجل! banou ga yaa Rabb  
Oh Allah عزوجل quand mo pou vinne bon/pieux*

*Kab gounaahon ké maraz sé mein shifaa paaoun ga  
Quand mo pou gagne guérison depuis maladie péché*

*Kab mein bimaar Madiné ka banou ga yaa Rabb  
Quand mo pou vinne ene malade de Madinah, O mo Maître*

*Affwv kar aur sada ké liyé raazi ho ja  
Pardonne moi et satisfait avec moi pou tou les temps*

*Garr karam kardé to Jannat mé rahoun ga yaa Rabb  
Si ou accorde moi la faveur mo pou reste dans Jannat (Paradis), O mo  
Maître*

أَمِينَ بِجَاهِ النَّبِيِّ الْأَمِينِ صَلَّى اللَّهُ تَعَالَى عَلَيْهِ وَآلِهِ وَسَلَّمَ

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِنَا مُحَمَّدٍ وَأَعُوذُ بِاللَّهِ مِنَ الشَّيْطَانِ الرَّجِيمِ بِشَوَارِئِهِ الرَّحْمَنِ الرَّحِيمِ

# Printemps de Sunnat

Alhamdulillah! Dans Madani Maahole (l'environnement sain et salubre) de Dawat-e-Islami, un mouvement international, non politique, qui pé propage l'enseignement du Qur'aan et sunnah, gagne pou apprane et montrer sunnah en grande quantité.

Pé faire un requête, humblement, pou participe dans **ijtema'a** de Dawat-e-Islami ki être organiser à partir namaaz Esha chaque samedi à Masjid-e-Taiba (**Pamplemousses**) et Masjid Shaan-e-Rasool (**L'Esperance, Quartier Militaire**) et chaque Jeudi à Masjid Noor-e-Mohammadi (**St Aubin**).

Pour gagner une formation lors sunnah, voyage ensemble avec banne Aashiqaan-e-Rasool dans **Madani Qaafila**, et prend l'habitude, tous les soirs, en faisant **Fikr-e-Madinah**, pour remplir **Madani In'aamaat** so card, et dans les 10 premiers jours du calendrier Islamique, remettre li à un responsable de Dawat-e-Islami. Insha Allah, par sa barakat, pou gagner l'habitude pou mettre en pratique banne sunnah, pou détester goonah et pou gagner une pensée ferme pour protéger nous Imaan.

Chaque frères en Islam besoin faire sa Madani Zehen la ki: **Mo besoin essaye corrige mo même et entier le monde so dimoune, insha Allah**! Pour corriger mo même, mo besoin mettre en pratique Madani In'aamaat, et pour corriger entier le monde so dimoune, mo besoin voyager dans Madani Qaafilah, insha Allah!

Alami Madani Markaz, Faizan-e-Madinah,  
Mahallah Saudagran, Old Sabzi Mandi,  
Bab-ul-Madinah, Karachi, Pakistan.

☎ +92-21-34921389 to 93, 34126999

Fax: +92-21-34125858

✉ maktabaglobal@dawateislami.net

Web: www.dawateislami.net